

T-jawab dorong utk jadi jurulatih seni

Pencak Silat

22 APR 1980

Oleh ZAKARIA BUANG

ELAUNS yang mereka terima tidaklah besar. Hanya \$4.00 bagi setiap jam melatih pemuda dan pemudi yang mengikuti berbagai kegiatan kebudayaan di balai-balai rakyat.

Namun, bayaran yang kecil itu tidak menjadi halangan untuk mereka terus mengajar dan membimbing pemuda dan pemudi yang mengikuti kursus bimbingan mereka itu.

Mereka berpendapat tanggungjawab yang ada pada mereka adalah lebih besar ertinya daripada wang yang dibayar. Lebih-lebih lagi apa yang dicurahkan dapat mengekalkan tradisi bangsa.

Lantaran itu wang dianggap sebagai perkara yang kedua meskipun masa yang diluangkan agak banyak.

Mereka ini ialah orang-orang yang telah bersara tetapi pengalaman dan kepakaran mereka dalam bidang kebudayaan diperlukan oleh generasi muda kita.

Bergiat

Encik-encik Suni Rabi, Samiun Haji Jailani dan Pirun Saugib adalah antara 29 orang jurulatih yang berusia lebih 55 tahun yang masih bergiat aktif dalam bidang kebudayaan dan pendidikan di balai rakyat.

Encik Suni, 60 tahun, adalah pelatih atau guru silat di balai-balai rakyat Radin Mas dan Sennet Estet. Dia mempunyai 12 orang cucu tetapi semangat kesukanan dan ingin mengekalkan kebudayaan Melayu mendesak dia supaya terus bergiat dalam bidang seni mempertahankan diri ini.

"Silat adalah pusaka kita yang perlu dikekalkan dan ia merupakan satu senaman yang baik untuk kesihatan badan," katanya.

Encik Suni sudah lima tahun bersara tetapi dia masih terus bekerja sebagai seorang pemandu di sebuah syarikat tempatan.

Bekerja di siang hari dan mengajar silat diwak-

TUKILAN

BERGIAT dalam bidang kebudayaan berguna untuk generasi muda kita agar mereka tidak lupa unsur-unsur budaya yang menjadi kemegahan sejak zaman berzaman. Di samping tidak membuang masa, kegiatan itu juga akan dapat mengalihkan pandangan orang-orang muda dari pergaulan yang tidak baik hingga membawakepada penagihan dadah.



● ENCIK Suni sedang menunjukkan cara menangkis lawan yang bersenjata kepada salah seorang muridnya.

